

CONVOCATORIA DE AXUDAS A DEPORTISTAS VIGUESES E
VIGUESAS DE BASE DE MODALIDADES DEPORTIVAS INDIVIDUAIS
TEMPADA 2017/2018

-BASES DA CONVOCATORIA-

OBXECTO

O obxecto da convocatoria é a concesión de axudas a deportistas vigueSES e vigueSAs de base de modalidades individuais que auguren unha proxección inmediata ou futura para o deporte de alta competición, acreditando un rendemento inicial e unha especial dedicación á actividade deportiva.

FINALIDADE

Consolidar a progresión dos rendementos deportivos, destinándose a sufragar en parte os gastos ocasionados durante o período de adestramento, competicións, perfeccionamento e adquisición de material técnico durante a tempada 17/18 (dende o 1 de xullo de 2017 ao 30 de xuño de 2018).

REQUISITOS BENEFICIARIOS/AS

- 1º) Estar empadroados/as en Vigo de forma continuada como mínimo dende o 1 de xaneiro de 2016.
- 2º) Nados/as a partir do 1 de xaneiro de 1995.
- 3º) Ter licencia federada cunha entidade con sede social na cidade de Vigo (excepto nas modalidades deportivas con licencia nacional expedida pola federación nacional correspondente ou cando da modalidade non haxa club en Vigo).
- 4º) Competir nunha modalidade considerada individual, ben de forma individual, parella, trío ou cuarteto.
- 5º) Ter participado entre o 1 de xullo de 2017 e o 30 de xuño de 2018 nalgunha competición federada de ámbito estatal ou internacional incluída no listado de criterios de concesión.
- 6º) Non estar cumprindo sanción firme por infracción grave ou moi grave en materia de disciplina deportiva.

CONTÍA TOTAL

Cada unha das axudas concedidas contará cunha dotación máxima de 1.000 € brutos; cun total de 20.000 € en axudas. Suxeitas á retención correspondente por lei.
Contémplase a posibilidade de que a bolsa concedida sexa compartida en dúos, tríos ou cuartetos.

INCOMPATIBILIDADE

Serán rexeitadas as solicitudes de deportistas beneficiarios da subvención dinamizadas pola Concellería de Deportes orientada a potenciar programas de participación de deportistas da cidade de Vigo en competicións oficiais de alto nivel de carácter internacional da tempada 17/18.
O deportista non deberá estar incluído no programa “Ayudas a Deportistas Olímpicos” (A.D.O.) ou pertencer ao deporte profesional.

DOCUMENTACIÓN REQUERIDA

As solicitudes formalizaranse coa seguinte documentación:

- Formulario de datos persoais e historial deportivo anexos a estas bases (I e II).
- Fotocopia compulsada da licenza federativa da tempada 2017/2018.
- Fotocopia do DNI do/a deportista solicitante e do/a representante legal no caso de que o/a solicitante sexa menor de idade.
- Volante de empadramento en Vigo (www.vigo.org).
- Certificado da titularidade da conta bancaria onde se solicita o ingreso do importe da bolsa.



CRITERIOS DE CONCESIÓN E VALORACIÓN

Para a concesión das axudas consideraranse os méritos deportivos obtidos polos/as deportistas durante a tempada 2017/2018.

A Comisión de Valoración observará os seguintes baremos de puntuación, tendo en conta que no caso de participar en varias probas dun mesmo campionato ou copa só se terá en consideración a puntuación máis alta.

En caso de igualdade, a Comisión tamén considerará a discriminación positiva, si o solicitante nunca recibiu axuda de VIDE, si a modalidade é de competición ou de exhibición, o número de axudas conqueridas pola modalidade na presente convocatoria, ou si é deporte olímpico ou non e o número de comunidades participantes no campionato e o seu impacto en número de licenzas.

O Comité poderá valorar o outorgamento de axudas especiais a deportistas no caso de situación excepcionais.

A. CAMPIONATO DO MUNDO. Pola participación **20 puntos**, e por resultados:

Campión/a	12 Puntos
Subcampión/a	10 Puntos
Terceiro posto	8 puntos
Do 4º ao 10º posto	5 Puntos

Valoración segundo o nº de participantes: máis de 15 participantes **5 puntos** e menos de 15 participantes **3 puntos**.

B. COPA DO MUNDO. Pola participación **12 puntos**, e por resultados:

Campión/a	8 Puntos
Subcampión/a	6 Puntos
Terceiro posto	4 puntos
Do 4º ao 10º posto	2 Puntos

Valoración segundo o nº de participantes: máis de 15 participantes **5 puntos** y menos de 15 participantes **3 puntos**.

C. CAMPIONATO DE EUROPA. Pola participación **15 puntos**, e por resultados:

Campión/a	10 Puntos
Subcampión/a	8 Puntos
Terceiro posto	6 puntos
Do 4º al 10º posto	4 Puntos

Valoración segundo o nº de participantes: máis de 15 participantes **4 puntos** e menos de 15 participantes **2 puntos**.

D. COPA DE EUROPA. Pola participación **10 puntos**, e por resultados:

Campión/a	6 Puntos
Subcampión/a	4 Puntos
Terceiro posto	2 puntos
Do 4º al 10º posto	1 Puntos

Valoración segundo o nº de participantes: máis de 15 participantes **4 puntos** e menos de 15 participantes **2 puntos**.

E. CAMPIONATO DE ESPAÑA. Pola participación **5 puntos**, e por resultados:

Campión/a	4 Puntos
Subcampión/a	2 Puntos
Terceiro posto	1 puntos
Do 4º al 10º posto	0,5 Puntos

Valoración segundo o nº de participantes: máis de 15 participantes **3 puntos** e menos de 15 participantes **1 punto**.

F. COPA DE ESPAÑA. Pola participación **2 puntos**, e por resultados:

Campión/a	2 Puntos
Subcampión/a	1 Puntos
Terceiro posto	0,5 puntos

Valoración segundo o nº de participantes: máis de 15 participantes **3 puntos** e menos de 15 participantes **1 punto**.



PRAZO E LUGAR DE PRESENTACIÓN

O prazo de presentación das solicitudes será dende o **30 de outubro ao 13 de novembro de 2018**, ambos inclusive. A solicitude xunto coa documentación deberá presentarse nas oficinas da Fundación VIDE.

REVISIÓN DA DOCUMENTACIÓN

Finalizado o prazo de presentación de solicitudes, poderá requirirse ao/á solicitante para que, no prazo improrrogable de 7 días naturais, proceda a enmenda de erros ou presentación a maiores a documentación que se considere necesaria. Transcorrido dito prazo sen enmenda terase ao interesado por desistido da solicitude.

Haberá un prazo de quince días dende o fallo das axudas para presentar alegacións. A Fundación VIDE resolverá no prazo dun mes, non admitíndose sucesivas alegacións.

PROCEDEMENTO

A Comisión de Valoración está integrada polos membros do Comité Executivo da Fundación Vigo en Deporte; e cun prazo para resolver non superior a un mes a partir da data final de presentación de solicitudes.

OBRIGAS DOS/DAS BENEFICIARIOS/AS

- 1ª) Respostar á veracidade dos datos aportados.
- 2ª) Destinar a axuda aos fins para os que foi concedida.
- 3ª) Prestar a súa colaboración e imaxe cando se solicite por parte da Fundación VIDE e do Concello de Vigo.
- 4ª) Facer unha axeitada publicidade da Fundación VIDE e do Concello de Vigo durante as competicións ou manifestacións deportivas.